

補集

虛白堂集

四







虛白堂補集卷之一

男 世昌 編集

詩

新年巳酉

屢飲屠蘇酒  
蕭疎雪滿顛  
宦途多有梗  
世味貴無權  
排悶惟裁句  
寬愁獨理絃  
閉戶麾俗駕  
高枕日閒眠

得屋三首

咫尺皇華館  
相連崇禮門  
並城開小宇  
臨隴據高軒  
北闕玲瓏起  
南山紫翠繁  
魚鱗千萬落  
烟花暗晨昏



一寸如金地。編籬作小畦。櫻桃花已謝。蒿菰葉初齊。  
掃室專憑僕。羅盤屢倩奴。小槽新壓酒。細酌醉相迷。  
送老溫柔境。紛紛屢易家。當壚盤翠髻。滌器岸烏紗。  
不解調絲管。惟思執梟麻。往來惟匹馬。况復室非遐。  
不吊皇天欲喪余。三年再度送輜車。顏回短命猶三  
十。汝是機雲作賦初。

傷春

宦道參差病骨衰。况逢家事似危棋。春光荏苒愁中



過花落花開認不知

夢世通

老年舐犢愛未免在情鍾永與生涯隔  
惟憑夢寐通  
慇懃離後語憔悴病中容  
忽被鷄呼覺無言滄蒲胸

與希亮遊演密

庚戌

寺在三清洞林深境界寒石泉懸絕磴  
檀對蔭平壇

佛靜僧鳴磬堂間客勸餐  
親朋携手話不怕道路難

扈駕觀稼奉

教次張寧漢江樓韻

三首

山聳青螺髻江橫碧玉流  
翠華臨傑構彩仗簇平洲



樹挾嵐光嫩波涵日影浮沙禽舍  
聖澤欲起更迴

留

樓倚千尋壁沙平一派流風帆投極浦烟草暗遙洲  
白露連郊冷黃雲滿畝浮  
聖心非逸豫省歛少遲  
留

登臨思不盡渺々俯長流風送白蘋棹日斜紅蓼洲  
舟移雲葉動魚鬪浪花浮多少遊人樂將歸又少留

與而教奉香  
先王廟各向坡山別墅

燒香祠已罷並轡向田園雨霽山川秀霜清禾稼繁



羸駝原上卧鮮鯽網中翻鄰里來相迓歡娛置酒樽

以雨留墅

瞽雨從宵八浪口開到明崇朝連夜暗終日透簾輕  
聚客看棋戲呼童弄笛聲含愁計歸路泥濘苦難行  
路中與兩教相期偕行至歧灘暫憩

路出東西異相期大野頭呼鷹君陟嶺濯足我臨流  
把酒客來訪卸鞍人暫留孝文碑尚在觀者認悲愁

月山大君墓在灘西是日教  
官李引錫自齋庵携酒來訪

泮宮襍詠二首

辛亥



素王宮殿絕埃塵堂上鍾簾左右陳木鐸風微遺響  
遠杏壇春暖綵陰新昔時攀附三千子今日藏修二  
百人在廟懿靈應不泯春秋含菜奉精禋  
生平辛苦蠹書滌白首重來雪滿簪論講簡編開絳  
帳品評詞賦聚青衿紫桐倚砌陰初合翠蓋盈庭日  
不侵薄暮後堂無箇事客來樽酒共相斟

賜成均館米三百石縣布五百疋感而有作  
聖主崇文禮養賢恩波鄭重露無邊倉曹既送陳紅  
粒御帑采頒朽賈錢從者免羅陳蔡病長官坐煖廣



文擅黌堂自此生顏色有肉如陵酒如泉

坐樂院觀樂四首

金甌彩甲暗相磨搥鼓紛紛若逐儼左右催排孫武  
陣高低齊把魯陽戈功成牧野千年際樂播梨園七  
德歌觀舞今朝知聖意瓜綿王業遠無他

定大業

朱門風動捲輕幃作隊雙雙弄彩毬翠袖乍擎隨地  
進螺鬟頻整向空投俯擎白苧初猶喜仰點玄鴉却  
自羞破費不須三百萬承恩一束足纏頭

拋毬樂

唐家仙李兆佳祥鵲嶺青松色慘傷金尺一宵來入



夢瑤圖萬葉遠流芳人思盛德皆歌詠樂奏詩章爲

贊揚他日鹿茸嘉宴會願賡天保永無忘

夢金尺

東海細桃誰手裁露華凝對絕纖埃根依度索蟠千

里顯八瑤池薦七枚翠袖擎盤顏似玉朱衣執樂鼓

如雷臣今無計偷將食只祝華封萬壽盃

獻仙桃

與兼善如晦祭健顯兩陵仍遊東郊

壬子

郊垌風日麗萬物暖將舒躑躅初抽蘂萋萋始擷蔬  
放鷹驚野雉遮網趁溪魚不縱青春樂遽二歲月除

喜世亨登進士試



父為恩府子門生父子相歡別有情稽首彤庭揮感  
淚喜聞臚唱有吾名

八侍書筵

汨沒宦途長龍鍾鬢髮蒼誰知老祭酒復侍右春坊  
徒抱詩書拙終無啓沃良却慚疏廣受貪祿未還鄉  
親祭文宣王大酺儒生作二十韻

聖主膺昭運憂勤庶政彰心惟敦教化學亦重膠庠  
舉禮從優縉涓辰占吉良龍旂承大祀冕服拜宣王  
薦豆東西序鍾簴上下堂君蒿神降格昉饗味芬芳



退御滋臺內親臨泮水傍翠華欣久住鳳幄霽高張  
中使傳臚唱伶官奏樂章戈矛連夾階鷁鷺儼成行  
濟仁朋龜集紛紛德驥良環橋多喜色八座覲天光  
花帽千枝秀仙厨百品香歡聲騰鼓吹宣勸溢盃觴  
稽首心愈切呼嵩醉欲狂文風馳異域盛事動遐方  
芹藻馨堪採菁莪咏不忘永平美貞觀未專昌  
民物安耕鑿邦家整紀綱小儒材撲擻作頌賁時康  
次砥平小亭韻

松顛初月吐金盆倒映清潭影半分錦葉染霜秋後



嫩衰湍觸石夜深聞名韉未免趨青瑣雅志常懷卧  
白雲鶻咏笑談雖足暢恨無纖指奏桐君

到開城府留宿演福寺作四絕

癸丑

靈源混二瀉無窮萬落均霑后媪功却訝吟唇今始

潤如吞沆瀣駕天風

甘泉

風動天機似有情宮商終日自和鳴堂中金狄元無

語誰辨無聲與有聲

風琴

陽村大手老文章獨吟龍蛇又擅場當日萬人空費

力如今苔蝕委荒涼

碑



黃昏歌曲語入稀一杵洪鍾振翠微擾口滿城爭利  
者誰知深省悟玄機鍾

題廣明寺

行尋仙洞入古剎傍山隣綠蓓抽萱草紅天糝杏枝  
殘僧歸化米倦客坐爭棋暫快塵襟豁縈林澗水悲  
迤慶宮古基

鵲峯蒼翠鬱參差五百年華夢裏馳草合東池猶有  
塢雲深北殿已無基霜臺栢老摧山麓兵部橋危枕  
澗湄吊古騷人來置酒夕陽長笛不勝悲



與子珍叔強如晦遊用休山亭

長風吹水捲輕霾  
綠樹高亭倚石崖  
蠶嶺炊烟橫渡  
口龍山漁火照江涯  
簪纓蒲座人人傑  
魚菜堆盤種種佳  
秘室東西堪寄傲  
各携樽酒叙襟懷

書懷

行藏不必問巫咸  
擬討專鱸直掛帆  
老境黃楊頻厄  
閏新年貝錦巧成談  
功名正似爭蠻觸  
得失何須較  
楚凡郭扇西風深  
自悼元規塵汚趁朝衫  
拜大憲有感



羊質無能舊雜端豈知重戴笄羊冠皋皮講舌乾難  
潤栢府風敲凜更寒遇事却慚鈗繞指彈人須用鐵  
爲肝惟 曄 二 雙蓬髻照映霜臺一樣者

超拜禮曹判書

六部尚書本峻資豈圖超擢荷鴻私直清風夜典三  
禮歌詠簫韶憑一變敦教厚倫明學校交鄰事大接  
華夷南宮亦是樞機地愧我涓埃未有裨

凌陰行

雪花如席翻雲空朔吹振野愁濛濛萬夫鑿氷聲冲



冲分車載八凌陰中諸官奔走春官立鞭扑驅人令  
行急肌膚軟瘡潛相泣日日催傭猶莫及獻羔祭韭  
始舒發炎蒸迺遁無留居公聖主以此調玉燭汝今  
不力將何如

除夕八侍後苑觀火是時大雪

岡頭錦郭仰巍々絃管啁啾開翠微滿座臣隣方八  
侍蔽天風雪忽相違雷砲欲動聲還輒火樹相連影  
半稀直到夜深分散去幾人辛苦踏泥歸

改搆文昭殿奉移神御于古東宮事畢還



安

甲寅

將修棟宇整梁思次茅  
神輶謹奉移暫住南宮依  
黼座還安北殿舉豐儀  
盈庭鼓吹聲交夏滿筵蘋  
藻徹不遲禮克奉先敦大孝  
燁然青史永昭垂

避病移寓叔強家家在社稷祠

山前華屋間晴嵐步上岡頭引客談  
巖罅紫櫻花軟  
軟對頭黃鳥羽毵  
連村松暗勾龍社出出雲開福  
世奄咫尺春曹途不遠朝朝來往不勞驂

清道途中



午鷄聲裏雨聲多  
穫稻原頭笑語譁  
蒲谷人家依綠樹  
紫薇花映木綿花

康靖大王挽章

二十五年春憂勤庶政新  
八方皆尚學萬物揔涵仁  
擊壤康衢咏耕田壽域民  
龍髯攀莫及雲暗漢江濱  
老天何嘿亡休咎信難徵  
方卜金滕秘俄聞玉几憑  
史書殷帝陟人悼杞天崩  
臣敢承恩厚千行淚洒膺  
李金兩太監行人王公奉  
詔來祭求思殿  
銜書紫鳳下東隣  
手額爭瞻王樹姿  
神御一朝移



別殿宣需萬品列前墀  
皇恩曠蕩廢忠日  
聖主悲  
哀盡孝時門外縉紳紛鵠立  
燒香四拜淚交頤

為監試及文科雜科誡官

九秋長鎖棘圍垣  
學士才名却厭煩  
晝榻廢眠心力  
困夜燈看字眼  
花昏驪黃牝牡終難辨  
條理文章未  
易論  
手下搜珠知幾輩  
不曾來謁老恩門

等 先廟前池余與伯彥子繁為提調

丙辰

人說明堂水要清  
鑿開前面大池平  
波深漸覺青天  
落日暖從教錦鯉行  
構屋山頭容息偃  
扶筇溪畔督



功程經營已久猶嫌緩却駭 君恩賜酒觥

繕修先廟余與士高伯彥奉 命而往

郵吏驅催急歸來日未曛 園陵門已近蘭若路初  
分谷靜泉喧碓山高樹帶雲子規啼不歇應得夜深  
聞

借家移寓三首

晚歲頻罹疾移家未定居不愁囊竭粒先撿篋藏書  
僮僕呼喚甚親朋見訪踈欣迎醫術士診問病何如  
魚鱗接比鄰閉戶每防人汲井相爭水驅車競沸塵



乞蔬盤饌足買杏渴喉津却笑青娥笑梳頭雪滿巾  
自公初退食雨過日西時堦暖花房圻庭涼樹影移  
呼兒沽美酒邀客鬪殘棋黃鳥啼相近催成一首詩

將遷長湍墓相坡州朴墳三首

三公承命六卿隨騶從如雲滿地馳到處館亭容不

得金章顛倒掛軒墀

是時尹坡平慎居昌李廣原洪  
兼善都承旨權子綏崔灝元及

余承  
命往

紛紛廟筭相矛盾風水諸人亦反唇地下青鳥如可

問未知誰偽復誰真



行人困頓馬凌競炎暘侵身耐不能終日沉吟少陵

句無曰赤脚踏層冰

是時大熱

自判書移中樞

四載承恩作秩宗紛々毀譽乖吾躬身勞禮樂周旋  
際情痛衰麻慘惓中却喜授閒樞密地更無罹苦薄  
書叢出床櫓拙終朝煖日色臨牕睡正濃

陞資正憲有感丁巳

白髮老儒酸偷榮多厚顏南宮恒失禮樞府得居閒  
方慮遭羣誚何圖陟峻班賢能多在下才亦不能安



與伯彥文緯過樂天亭下

斷隴穹窿抱野坳翠華曾此駐高亭好將遊豫為侯  
度未必留連悖聖經彩鷁驅魚遮古渡雪鷹搏鵠下  
遙汀當時勝事無人記沙苑年年草自青

奉 恭定大王神主座于廣州

祭先如在盡吾誠孝思無窮禮有程七世閔宮觀大  
德五親原廟象平生雲移 神御歸玄宅日照帷營  
慘別情稽首鵠行皆拭淚澗泉鳴咽晚風清

附康定大王神主于太廟



奉神安廟禮攸宜 聖孝烝仁竟未虧玉趾不憚登

裸節馳躬惟窘步趨時褻麻已畢三年制羽翥分陳

六佾儀法駕旋采歌鼓振猶顰八彩未伸眉

余為禮儀使

以遷墓事往長湍時與用休同行七首

霽臨津渡呼舟簇水濱殷勤坡太守壺酒送行人

牧使韓忠順來送于臨津

回風吹急雪倏忽打前軒狼籍盃盤散相逢不得言

豐德郡守韓忠來訪設酌值雪而罷

瓦屋依松嶠長橋跨江邊困倉漸頽落氣燄不如前



過故曹  
相別墅

合三爲一邑地在兩京間却恨煩徵歛民居未得閒

題長湍  
東軒

穿雲踰峻嶺涉水度平原烟水濛二谷人言許相村

過加  
佐洞

馬鬣依山入來揔愴神淒涼酒與餅只薦四名辰

白洞  
墳

事叢官更苦土瘠里民飢惟見窓前樹龍鍾數十圍

題積城  
東軒



在新墓題長句

余與伯彥有慶為提調

東出興仁門東行數里餘孤山來作嶽衆皴交襟裾  
其間甚宏敞允協園陵居朝廷承密詔駟騎飛簡書  
萬夫四面集當春廢耕鋤官庭星火急作事甚虛徐  
峯頭鳴大鼓郊下置準旗斲石動垠嶠鍾土趨村閭  
剔治左右壑十里開清渠却嫌龍虎剥茅土蓋瘡痕  
又浚南谷澤澄澄水平鰭分栽萬株柳枝葉猶扶疎  
呼耶動山谷鞭扑催驅車惟思速竣功豈敢辭拮据  
卒成大斧屋象設分堦除聖主重育鞠孝思無時



擣不忍灤水陸奉御移佳處焉知將作監謬及無能  
余常思免天譴况敢希佳譽我時與二子各搆山前  
廬晨昏同嘯傲交契無終初太官送雪粒溪友輸嘉  
魚盃盃日日設甕酒新清醞作客久迤邐倏忽送居  
諸荒山無桃李未見春光舒春光縱未見身聞其樂  
且聖恩方鄭重感歎長歎歎臣今不殫力大義當  
何如

題申叅議歸來亭詩卷

中侯未舟退  
休居淳昌

歸來乎歸來乎桑梓已老田園蕪料明早作山澤臞



折腰羞向鄉兒徒潯陽江頭真興區一間蝸室容頭  
顱三徑松竹青紛敷東籬甘菊黃初腴琴中無絃心  
自娛起洗葛巾開尊壺山河盡屬劉寄奴獨倚五柳  
撚霜胡紫陽義筆光昭蘇千載清風敦薄夫當今

聖化超唐虞夔龍攀附青雲途以君奇才文武俱急  
流勇退何其愚君言宦途苦崎嶇幾人窘步喪厥軀  
生平雅性在江湖今者不去將何須寶蓮山高青鬱  
紆積城水合清如酥菟裘勝地真可居脫屣軒冕如  
沉塗千畦穠稌黃雲鋪萬剗梨棗紅纓珠四鄰斗酒



相鳴鳴田翁野老同團蒲欣然擊鼓謠康衢時平不  
見差科呼願保此樂終無渝淵明不知有此無秋風  
策杖吹笛蘆歸興忽憶江東鱸臨歧摻袖歌驢駒親  
朋觴酒米相扶尚憐清渭少踟躕終南一髮雲間孤  
依然夢想在清都有時來作雙飛鳬送君仰慕鵬南  
圖詩成一笑空長吁

虛白堂補集卷之一



虛白堂補集卷之二

男世昌編集

詩

與希亮獻之而教子芳文緯遊如晦江亭

江上豪英集高亭敞綺遶纖鱗跳密網繁吹沸晴天  
好作吹簫伴愁尋竊藥仙夜闌清不寐空費酒如泉

拜先王墓下

奉香來拜碧山隅翁仲無言立草蕪池水澄清乞舊  
城樹林陰翳失歸途堂深僂若聲容在歲久還傷雨



露濡雙袖滂沱頻拭淚不知能記小臣無

渡漢江泛舟中流二首

一舸旋<sub>二</sub>沂碧江晚風吹雨撥篷窗漁翁笑踏滄波

八釣得槎頭尺鯉雙

雨餘稚子浴清江江上八開面面總過客探詩凝遠

睇長天漠<sub>二</sub>鳥雙<sub>二</sub>

贈有本二首

朱欄盡壁開飛奴籠裡嬌禽伴座隅芭蕉過簷寒鳳  
尾草龍連架鞦韆珠床書整帙忘開讀村酒盈壺剝



用沽羨子醉鄉何太樂驚雷破柱卧無虞

此喻有本

白髮蕭森耳順餘市朝老隱有幽居彈琴手澁頻尋  
譜覓句心慵旋廢書德薄却嫌官祿厚權輕還愛俗  
車疎自家意思多荒穢庭草青上不剪除此自喻

園裏紅桃與有本芭蕉被大風摧折

君家芭蕉三十尺莖如青銅葉如席繁陰布庭青幕  
幕彈碁置酒邀佳客我家紅桃高幾尋滿園赤毯鋪  
成林春閒紅雨深復深日日倚樹調瑤琴無賴飛廉  
來作戲擺弄郊原狂捲地枝摧葉折無奈何兩家風



流共焦悴我有詩懷何處托  
茗有樽酒何處酌酸然  
空詠子美詩抱膝無言長太息

喜世亨生子

靈春芬馥長孫枝  
不恨蟠桃結子遲  
以望明珠生老蚌  
忽驚佳氣擁黃龜  
偶因啼哭知英物  
終起吾宗必此兒  
一笑開顏萬事足  
散襟書榻坐含飴

青坡石橋用東坡東西橋韻

衆夫斲山骨橫作晴天霓  
穹窿跨半空突兀連長溪  
日照落影壯雨暗隨雲低  
重欄萬安渡百步陳公堤



誰能植福田令人免顛隤  
慈悲碧眼老振錫來城西  
持文誘閭里不愁道阻躋  
聞風聚如蟻兩岸喧輪蹄  
神輸鬼爭運功成無久稽  
焉知數旬間穩若乘空鷲  
公輸心匠巧幻出高雲梯  
觀者共嗟訝施物如棄泥  
金錢與綵帛多自金門閨  
誅求至老幼手中各有攜  
我貧不助力還慚類瓦鷄  
惟懷杜陵志作詩吟石鵞  
會當明月夜邀客同扶藜  
登橋酌白酒俯捉霜團臍  
自嘆三首

幸蒙稽古力小少縛塵纓  
名貴登三榜官榮到六卿



知樞優廩祿負郭足田耕老境惟閒靜無求送一生  
漸覺芬華歇蕭然一秃翁年高樊素厭性緩驥兒慵  
破寂常觀史寬心只撫桐身逢熙皞世高枕北窗風  
災譴非人召天心示愛端九重愁避殿百辟謹居官  
爭畏章疏駁誰知燮理難身非參國議退坐獨心安  
是時有  
雷變

### 悼女

誰言生女作門楣未作門楣勢已虧白首老翁空自  
悼青春年少竟終睽稚兒索乳連宵哭堂婢收衣攬



滄垂可惜珠沈兼玉碎難堪老境喪明悲

家內八詠

旃檀未是香薝蔔最芬芳羣對蔽南土寸根移北方  
素花披雪殼青顙束蓮房只得盆中翫非關取染黃

右梔子

縱橫屈作枝栽向瓦盆移葉蓓春風暖花開夏景遲  
匏房纒坼破珠粒亂參差潦倒相如渴從今喜得滋

右石榴

借得紫微叢人言百日紅霞繒紛剪刻紫綬亂蒙丰



不入絲綸閣還尋老病翁似知娛晚境猶耐九秋風

右百日紅

清標真不俗好向四時看細葉條條橢奇葩箇箇圓  
却疑猩血染還似鶴頭丹豈數籬邊種朝開暮又殘

右四季花

五色葉多怪當秋未變渝始驚金燦爛終見錦模糊  
不識誰濡染真成妙畫圖非花堪可翫詩興不曾孤

右錦莧

曼多真異種秋至始鮮明璀璨朱衣襞飄揚絳幘輕



臨風如欲鬪對雨訝飛鳴不似壻中勿膠仁報夜更

右鷄冠花

一片沉香石崢嶸天琢成層巔先水潤幽竅訝雲生  
最愛秋苔駁還憐細葉橫平原無限趣今日愜吾情

右性石

身長纔一尺移植土溪傍只愛青青好那知落仁長  
風來枝欲裊雨洗葉逾光就把朝朝翫清霏滿手香

右側栢

外家八詠



一株十五顆磊々綴高枝却恨數英晚從教結實遲  
初看紅豆小漸覺錦囊垂還怕風霜早清酸未入肌

右石榴

龍鬚扶上架蒲地綠陰成隱隱青油幕團々黑水晶  
味含秋露軟光曬夕陽明不待醍醐釀方茲得美名

右葡萄

今年多雨澤百物好栽培北海無相喚東籬好獨來  
折莖紛挿地長葉仰攀臺佇見重陽節凌霜爛漫開

右青菊



奇種從誰得曾從上國來  
托根隨地出引蔓向空回  
紫萼凌霄短青榴豆筴堆  
殷勤爲收子却欲遍園栽

右大豆

一寸墻陰地呼兒却墾荒  
如蹲鵠抱蛩似竹葉舒長  
最合調和味端宜藥餌良  
宣尼餐不輟吾亦得今嘗

右生薑

紛生堂陞下長養到秋寒  
忽見青羅帟中懸赤玉丸  
剝皮星燦爛和蜜露凝溥  
識得名漿意能沾講舌乾

右酸漿子



百草多微細渠今乃許長擢莖高過屋張葉暗侵霜  
破殼斑虫出和酥烈焰光祛風左有效病骨得平康  
誅鋤還自出歲歲亂抽麻轆葛連牆曲蕭森傍砌斜  
笔芳調雪膾清子作紅芽縱未甘如薺猶能資齒牙  
右荼蓼

謝人送松菌

鵲嶺秋深苦雨寒松花流汁露凝漙戴穿落葉身自  
出採貯輕籠色未殘猫笋有香應避席尊絲無味肯



同盤官高不免嘗藜藿今日佳珍得有粢

宿果川別墅還渡漢江循園丘洞過水庫北

嶠別提來設酌三首

田園無失歲村酒始清醺對月春黃稻和霜擷翠蔬  
林深盤剝栗溪近飯供魚知止當先退明農樂有餘

缺

簇江隅扁舟獨自回巖崖琪樹暗林磬盡窓開

運去仙遊遠詩成客寓哀淒涼舊空館誰復醉金盃

是時魚咸後向嶺南朝官來餞者不絕○江上有李月城舊宅

行尋雲樹裏澗水渡溪溪隨粟人爭拾甜桃鳥啄殘



開樽依斷隴邀客駐歸鞍鄭重親朋意相逢罄一歡

園立即上  
林巢園

### 喜如晦入銀臺

蟻屈多年始龍伸青雲冉冉擁芳塵鳳凰池畔拖珠履  
孔雀屏間對美人能繼箕裘修舊業晚將咲舌據  
要津從今身世恩波濶長醉金葵不老春

### 連八初重試誠官賦與同僚

鷄人唱曉闌金鋪龍衮臨軒日照隅天語丁寧題策  
出鷄行掠亂滿庭趨高聲讀卷身先憊竟夜張燈眼



欲枯揚粃自然還有粃搜珠未免反遺珠看朱成碧  
篇亡暗變魯爲魚字字殊花匪宣公清藻鑑一時龍  
虎半非天

齒痛

潦倒年來鶴髮鬚輔車沉痛若遭箝咬吞軟粥惟思  
飽細嚼酸梨竟未堪次茅漸頽韓子苦嘯歌不廢幼  
輿慙世間萬事多機巧合喙無言是所甘

拜判尹有感

華嶽千年地金墉十里途邦畿周赤縣三輔漢黃圖



車馬連郊隧歌鍾匝市衢擊強謀更拙摘伏計空迂  
銖兩姦何息疲瘡民未蘇斨刀難剖錯鞭扑不須蒲  
蕭瑟風霜鬢龍鍾老病軀若爲辭劇職還我舊鴻樞  
有本拜監察戲贈二首

愧我殘生催髮白羨君喜色上眉黃岸巾唱徹霜臺  
曲坐挾嬌蛾倒玉觴

琴高迎刃飛鱗赤郭索開筐擘髓黃辜負江頭秋月  
白與誰乘興醉壺觴

晚菊



今年櫛菊開最遲孟冬初吉方歲蕤重九良辰尚青  
絲芳英未泛鸕鷀危如今搖落歲已晚花開爛漫終  
何爲履霜漸至堅冰厚汝雖耐冷那能久臨風無語  
嗅馨香我是前身飯顚叟

送永安節度使曹文緯

文武全才一代英崑然閫外作長城虬貅塞上三千  
隊龍虎胸中百萬兵日照黃沙氛祲散風生白羽笑  
談清開田遠抵龍荒地春草年年看耦耕

寫懷五首



搖落林園晚隨風萬葉飛飄  
投徑浦軟軟擁巖扉  
孤影鳥巢出乾聲鄰犬歸  
墻頭寒樹罅獨愛月通輝  
霖雨連旬朔窮陰罕見陽  
老翁愁未獲貧婦歎無裳  
庭暖滋交翠盆滋菊殿黃  
客來伴買酒惟舉兩三觴  
苦被緇塵汙生涯半成欣  
絳桃恒欲去靈照又未分  
通德非知德宗文不好文  
終當閉讀室相對一爐薰  
屋漏無人處其嚴十日瞻  
官高猶畏謗性拙自安廉  
芋葉烹包飯菁根洗漬鹽  
寸腸容易飽不必萬錢添  
爵祿雖貪戀難堪病骨疲  
蒸梨滋夜渴煨栗救朝飢



倩女梳頭髮呼兒拭滌湊老來多鑄錯不怕被人欺

夜雪朝霽對飯寫懷

新雪夜來霽晨曦照屋端蟹胥甘可嚼鷄臆軟堪餐  
鯉之鮓魚美猶勝苜蓿盤堂姬來進酒宜辟早朝寒  
聖辰賀畢賜宰樞宴于外庭

虹渚流光照八埏千秋佳節慶遙開已踈聲樂憂勤  
久徒見仙厨絡繹米忠墾誰陳金鑑錄懽娛惟倒紫  
霞盃不愁犯夜金吾問蠟燭連堤半醉迴

賀冬至



銀燭堂深照衮屏五更鍾鼓沸青冥南金楷矢擗航  
路北面簪纓左右庭灰動一陽添一線河清千載祝  
千齡退朝茅屋歸來晚尾釜如酥豆粥馨

白魚

即杜詩所謂白小  
今人謂之鮓條魚

白小乘寒滿水生剖冰遮網忽來盈出分細尾銀絲  
亂凍合豐肌玉筋明色映花磁凝素雪軟吞牙齒味  
新烹華筵甲冑爭相致此物雖微價不輕

喜世昌生子

常憐暮境小雛生豈料如今羽翼成纔得免懷還抱



子能知舐犢亦鍾情既開家道爲人父須向雲程振  
大名看汝飛騰猶未必况看身後汝兒榮

除夕二首

耳順年今至蒼茫歲律窮身慵名利域心折綺羅叢  
點檢生涯事依稀夢寐中蕭上雙雪髯明日遇春風  
偃子喧閭巷都人作夜遊門排鬱壘字窓帖處容頭  
疲鬼驅將去詩魔逐復留技能猶尚在覓句未叙憂

元日會禮宴

日照蓬萊瑞彩凝春光霽上泛觚稜盈庭簫鼓皆韶



漢列座貂蟬盡股肱得預風雲千載會却疑身世兀  
霄鵬臣今遇值三元節仰祝岡陵壽倍增

立春

節屆青陽曉雪乾蓼芽篙筴試新盤銀幡晡上輝簾  
額彩燕翻口上鬢端柳著岸黃初弄色梅舒盆白已  
排寒高門畫帖宜春字酒熟黃柑興未闌

詠雨復雪二首

玄雲從昔起飛雨灑高城汨終宵鬧浪々盡日鳴  
江冰應解凍畦麥欲抽莖新歲多膏澤田家樂事耕



雨止雪初作長宵一尺添飄雪穿紙帳密覆茅簷  
暖氣還淒凜和風反冷嚴平晨省庭檜皓鶴冒蒼髯

題峻上人詩卷次諸公韻三首

師在正  
印寺

龍虎峯巒聳兩邊喬陵岡畔寺樓前石羊帶月依山  
靜金磬隨風出谷傳白馬馱經聞曩歲青蓮結社自  
今年禪龕倘許容塵跡先討玄中第一詮

碧空如水月銜山喚粥華鯨吼夜闌烟裊香鑪凝榻  
暖風生虛籟透牕寒禪心明鏡無塵襍世事浮雲墮  
渺漫趺坐吟翻千首偈不知靈露滿空漚



珂馬驅馳何太愚東華十載困泥塗芭蕉身世虛難  
寶石火光陰有若無早不知名慙賈傅老猶貪祿愧  
陶朱羨師俯視塵寰窄臭腐英華付一吁

擬姜晉山作五更歌五首

初更初見月東生獨坐虛堂睡不成契濶百年今已  
矣枕邊惟伴一燈明

二更窓外月輪高風入庭松吼夜濤可惜幽明今永  
隔胸中愁緒亂牛毛

三更雲散月中天靜夜悲聞石上泉我尚偷閒猶穩



坐孤魂流落泣誰邊  
四更孤月側金盆  
林影參差半掩門  
衣絮離披飢虱  
亂殘年契濶與誰論  
五更月落亂鷄呼  
催進朝餐酒一盂  
帳底兩兒爭擗踊  
不知能記此聲無

悼亡

馬鬣初封罷歸來  
拭淚痕已違偕老計  
永作未招魂  
山暖花爭發  
林深鳥自喧  
春光雖滿眼  
愁悴却忘言  
雨中送春



杏花如雪散餘春  
次茅絳桃照眼新  
一夜風翻兼雨打  
紅飄萬點正愁人

五年辜負五年春  
却笑今年恨轉新  
萬室笙歌爭作樂  
閉門終日獨麾人

送曹太虛赴京六十韻

有美無雙士  
才名特絕奇  
鳳麟應瑞世  
山斗正當時  
身苦三餘學  
胸蟠五總龜  
兩都憑作賦  
百首輒成詩  
咳唾明珠落  
紛紜倒薤披  
詞鋒曾脫穎  
文壘早搴旗  
射策黃金榜  
飛英白玉墀  
校書天祿閣  
曳履鳳凰池



龜蛇隨朝入委蛇退食私奪袍承  睿眷擎表赴京  
師提榼羣朋集咨詢四牡馳江山供嘯咏原隰去逵  
迺駐節箕城夜揚舲鴨水湄箏琶喧兩部樽酒列千  
鵠碧柳低垂地緋桃糝滿枝春光方浩蕩游子好遨  
嬉王事當先急征車不可遲既經華表柱復憩舜妃  
祠駐蹕峯嶒崕遼河浪渺瀰巫閭排北極碣石挿東  
臚縹府尋孤竹漁陽笑祿兒流芳名尚在遺臭事堪  
咨睥睨園雄鎮輪蹄開大達奚囊長拾景吟咏屢撫  
髭仰看皇居壯偏令客意怡祥雲開魏闕麗日耀梁



愚警蹕從天下爐香拂曙吹重瞳違咫尺百辟列尊  
卑稽首趨閭闔呼嵩徹幄帷庭分千鈞佩階擁萬熊  
罷白喜觀周樂還欣襲漢儀賜沾光祿酒飫食太常  
犧靜裡翻書卷閒中對客棋垂簾妨豹脚掃室倚烏  
皮華館臨周道虹橋俯綠漪出門時縱睇步屨却忘  
疲雜還簪纓士妖嬌燕趙姬街衢騰鼓吹民物混華  
夷樂土雖云美羈情不耐思拜辭臺殿曉行出潞河  
湄身世騰寥廓風光屬指麾烟光傷別色鴻鴈報來  
期候駟誇新健佳人逞妙姿崎嶇方脫險邂逅始伸



眉漸喜家鄉近何憂道路危漁翁呈郭索獵騎薦伊  
尼肥腴登雕俎黃流凸玉卮坐隨歌妓密醉任帽巾  
歌弧矢酬心志匏瓜解繫維清標真可慕豪氣邈難  
追德驥如君少黔驢似我誰解牛須巨斧磨劍賴良  
砥屹屹尼丘嶽汪叔度陟淺深蠡詎測厚薄管難  
窺鑿省依光久松都並轡隨笑談資塵尾篇什唱埵  
簫曩懷渾如夢流年忽更移龍鍾身已老掠亂鬢成  
絲綰柳縈愁緒攀祛立路歧驪駒聲已闕離恨不勝  
悲





虛白堂補集卷之二



虛白堂補集卷之三

男世昌編集

詩

傷春

春盡城中氣尚寒  
陰雲垂野雨漫漫  
尖新葉綠連村暗  
狼籍花紅點地殘  
王事劬勞還得謗  
家風零替暗摧肝  
塵埋綠綺無心理  
物<sub>口</sub>撩懷鼻自酸

送京畿監司金伯春于東門外

行出東門十里遙  
雨晴平畝種生苗  
松杉谷裏填華



屋楊柳溪頭隱畫橋  
滿郭花殘春事退  
連郊草暖馬蹄驕  
殷勤揖送觀風使  
須記籬亭酒一瓢

衿川守金君碩孫請題其縣小亭

小亭春晚綠陰成  
單父琴閒趣更清  
蒲榻輕風祛酷吏  
環流濯塵纓  
萬畦種穀皆同穎  
五袴興謠競沸聲  
民物欣涵鳴  
鳳化虎巖前  
事摠虛名

與兼善偕往先廟二首

時受贊禮之佳

萬木中間小路低  
更無人語鳥空啼  
石羊剝落留遺跡  
碑閣荒涼認舊題  
耽暮二陰依茂樹  
弄溪上水生



幽溪與君盃酒情相洽不覺雲頭日已西  
羞將白髮奉周旋敬跪還憂膂力愆已遽禮官猶秉  
禮以妨賢路反慚賢立身邂逅逢昭代稽古榮華在  
暮年黽勉事君惟有死不應歸卧野雲邊

如晦設宴慰大夫人生辰

木蓮初謝散餘香風透朱簾八面涼滿園粟花金鼠  
尾環堦竹笋綠沈槍兩行妙樂絲簧咽百品佳肴瀼  
滄嘗初度良辰拚勝宴競祈椿壽捧瑤觴

盆中種芋



盆裏種蹲鴟朝朝灑水滋  
既省風葉飈復愛雨珠馳  
只翫生生意何須朶口奇  
最宜羹玉糝佳味得今知

聽鄭玉京琴

老我平生耽綵綺身任一變深  
自恥梨園弟子繁有徒  
得其源者蓋無幾李師已逝  
金師出當時擅場無與擬  
乃至於爾更絕竝水生於水  
寒於水人無貴賤皆側帽  
聽之不厭共相喜紛紛絲管  
滿城華縱有此聲無此指  
後時伯牙失鍾期縱有此指  
無此耳却嫌冰炭置我觴  
醉中揮手遽呼止餘音嫋嫋  
尚繞樑我



忘肉味今夕矣

謝人送唐杏梅杏二首

琳宮仙菓得應難  
懷枝誰從上國還  
初見爭驚大如斗  
今采未免小於丸  
玲瓏團顙枝擎重  
琥珀豐肌齒退酸  
多謝滋唇兼飽腹  
紛上俗物肯同盤  
櫻桃纔謝杏爲飴  
節物隨時次茅光  
半綠半黃經雨脆  
非梅非李帶枝香  
摘來自愛甘初至  
嚼破偏知軟可嘗  
不數望林回輔頰  
終然棄置使人傷

揀新妓



人言悅目即爲姝秋菊春蘭藻鑑殊不獨取才兼取  
色却嫌魚目混明珠

苦暘服桂苓圓

西山瘴暑如探湯祝融作祟鑒肺腸醫師遣我藥之  
良星丸百顆何芬芳斫却月桂枝條長松根扶神凝  
明肪玉杵搗出飛玄霜漬調崖蜜甘瓊漿冰浮盃面  
鳴宮商嚼丸飲水身清涼胸中字氣潛遁藏快如秋  
隼乘高崗六十老翁如枯楊骨皮雖在心已傷不如  
藏機息慮卧閒堂取書先檢囊中方



與如晦有本月夜臨蓮池飲

南山蒼翠高嶙峋雲峯缺處黃金輪崇禮門中下魚  
鑰長安道上無行人呼兒展席臨芳沼夜深月色晴  
逾皎亭亭翠蓋擁紅粧香遠益清風嫋嫋樽中萬斛  
驅愁波今夜不飲將如何雖無趙瑟鸞鶴操還與影  
娥同婆娑

賀時佐兄拜右相

新呈黃閣躋三台名重金甌不世才  
贊協舜衡齊日月調和殷鼎作鹽梅  
宣麻欲下先聲動  
堦宇初消甘



雨來日暮親朋爭蠟集畫堂樽酒笑談開

習射

將行大射禮

六十年来始執弓才能不及賣油翁尋常只慣撿壺  
樂刻注尊無費虱功日照張帙迷遠近風吹緩矢散  
西東座中應有歐陽子笑殺前身蕭宋公

扈駕西郊觀稼

鑾輿曉出向郊坰龍袞登臨望遠亭萬隊貔貅連浦  
漱千檣舸艦塞滄溟夏王省歛爲侯度魯隱觀魚戒  
聖經聖主與民同樂意西成大有得安寧



以雨雹停大射禮

孰爲災孽孰爲祥造化玄機未易量雷吼忽驚風散  
雹雲開俄見日迴廊畏天聖主停鑾駕攝事公卿  
拜素王鼓篋橋門應萬億竟張羅網策賢良

雖停射禮三公

攝祭仍設別試取士

患病

有涯塵世事無涯兩眼昏花鬢易皤手足不仁緣老  
洩皮膚多癢冒風邪難將扁鵲奇方試欲倩麻姑妙  
手把雙鐮氣消甘鯁縮漸知門巷雀堪羅



移拜中樞二首

逢嗔如屋意難安老病相尋又一難  
投綬自甘林下棄聖恩猶許授閒官

食祿投閒分所安望無隴蜀自應難  
何須鬱鬱奉朝請樞密清高亦大官

聞鴈

一聲天上鴈深夜向何處凝眸霜華重  
當空月色留不遭矰弋駭應迫稻梁謀  
憐爾哀呼急左增萬段愁

三不如人歎



廣文學士才超越當時籍口稱三絕東坡大手妙無  
倫三不如人曾有說我無唐文畫詩書反有東坡三  
不如少時猶尚不如人況今摧頽六十餘射不如人  
百步至酒不如人一盃醉棋不如人尤有甚邀人對  
局常先躡謀生性拙亦如斯官至六卿家無資惟有  
鄭五歌後詩自吟自笑撫霜髭

鄰友李上舍送盆菊二首

黃口白口又紅口冒雨繁開特地濃多謝先生心匠  
巧養成芳艷慰衰翁



渠不負余二負渠對渠多病酒盃踈重陽翌日猶嬾  
晚何況淒涼十月初

與如晦有本登西園高榭

雨後西風天氣晶携壺遊子喜秋晴楓林紅簌蕭  
籜栗對黃凋撼之鳴力疾來參行樂會破愁閒聽  
雲聲明年此會知誰健子美詩情卽我情

盧宣成挽章二首

天人夙德官臣隣餘事文章亦絕倫忠藎丹心昭日  
月功名黃閣盡麒麟五朝元老經綸手七袞高年福



祿身欲識深仁遺愛澤巷停舂杵盡傷神

顧余齷齪一迂儒自幸蓬麻賴所扶早卜芳鄰隨杖屨又同賢胤托葭莩玉堂揮麈陪談久絳帳握衣味道腴已矣風標無復覩仰攀輻輳獨長吁

得五白鷄

既得幾鷄又得三五雞毛羽白毳々雌能遺郊調晨饌雄自知鳴喻曉叅散粟庭中資啄食編荆窻外作籠龕伴渠長夜開懷抱莫恧風霜學啞箝

南人送柚子



南國丘墟千木奴團枝剌棘黃金珠自從渡淮變作  
枳風土所繫形模殊南人封襲筐篋年年充貢朝  
玉闕時時黃帕賜臣僚歸遺細君相怡悅豈料至  
尊啓供餘飛塵萬里來邈余十箇帶葉如新採光華  
滿室驚睚眦人香霧霏<sub>二</sub>射剝皮如肉甘可嚼或  
漬崖蜜調爲漿或成黃流作盃杓色香興味俱三絕  
庶幾慰此相如渴

失鴈

野人重利施罾繳罐燭藏時天漠<sub>二</sub>汝謀稻梁屢栖



田汝奴不謹遭束縛初來委翅不能飛稍口循堦欣  
飲啄擬將待汝毛翮長往訪江湖安所樂能鳴不鳴  
非汝罪我豈割烹資口腹我之養汝何太愚汝之背  
我何太迫不曾來告主人別乘雲一夕騰寒廊上搜  
林藪下溝渠僮僕四散求不得江風蕭口江水寒今  
夜不知何處泊

喜如晦以都承旨出拜同知敦寧

箕裘知奏遇昌辰口喉舌恩榮世世新既是陞資叨峻  
品不如隨意作閒人鸛班橫帶黃金貴萱室含飴鶴



髮親好待風暄桃李節壽觴頻舉一堂春

慕華館 親閱

鳳幄高張抱野垌縉紳分座滿前庭數聲鼓動雷吟  
壯兩隊軍圍鶴翼形湛露濃涵天氣暖瑞雲釀作雪  
花零銀盃御醞何辭蒲扈 駕歸來半醉醒

謝李春州太守陶叟送野猪頭

將軍馬上神臂弓一發五羝誇豪旌磊砢載八明光  
宮饗官承 命分臠紅自離臺坡今十載五鉢淒涼  
困殖菜春川太守寄書札忽然到此吾猴艾當初應



作入立啼畢竟未免遭屠剗山中美味不獨享白茅  
純束來相攜剛毛底虱相吊哭烟湯翠釜豐而熟棘  
七拘出香滿盤鑿刀紛紛如截玉多謝老饒今得飽  
半醉逍遙自捫腹

立春日書懷二首

一陽發管乙飛灰四十五晨今已回真訝嚴凝風雪  
冷寒中草木已胚胎  
才名州載遇明時食祿偷閒養白癡隨例仰承春勝  
賜曉窓分朶與童兒



元日有感 己未

撓甲光陰隱裏駒今朝戚亡少歡娛宦名已達還先  
塾家道纔肥反漸癯吏部輔車妨飲食舍人霜雪點  
鬢鬚不參歌舞華筵會却怕紅粧笑老儒

仁惠大王大妃挽章

馬鄧門闌盛姜任德性敦坤闈曾配極長樂以居尊  
素奈悲中路青島卜舊原西郊千斛淚鵲立送轎車  
太廟齋室雪後夜聞松濤

大夫上世居東嶽仍雲縣亡散京洛閔宮有血蒼山



根來作輿衛張帷幕忽逢滕六屑瓊瑰模糊鬢髮如  
塗聖華巔日照白皚々百尺飄零半空落入夜飛廉  
爲誰怒東西奔騰掀橐籥天籟自動地策喧萬竅呼  
號一時作孰披拂是爭畏誰孰呼吸是爭噴薄恍驚  
三峽灩澦堆豪湍觸石散晴霽室如船舫久搖蕩始  
疑身世無所泊憶曾浮自三江回銀山與我相前却  
忽然飛夢入其地恐逐蛟龍填溝壑俄驚五鼓催曉  
起向之闌者還寂寞靜中而起靜中消星河燦々掉  
高閣衆人方睡余獨笑々彼造物多戲謔排寒欲壓



崔嵬胸清齋食菜無盃杓

白鷄與金鷄爭雌相鬪傷一眼

養爾等塒櫟兩口分雌雄  
遽篠忽不殄非耦爾相從  
但知色可慕不悟汝爲戎  
豐舒傷潞子變作獨眼龍  
杜子小冠裂符生一淚  
空低催羽毛碎憤氣猶填胸  
自今宜節性戒慎飭爾躬  
我言非誣爾慎勿輕老翁

傷春二首

去年今日此園中  
春去人亡室已空  
惟有春光來有信  
杜鵑開遍去年叢



花時無時不狂風  
纔見開紅又落紅  
容易春光今背  
去無人攜酒慰衰翁

與而教景元遊藏魚洞郎官十人從之

蓐食踰北嶺循溪入洞門  
洞門幽且阻磽角少平原  
巖巖劃哈呀萬古於菟蹲  
忽逢春色亂桃李蒲孤村  
鋪茵掃白石繫馬依松根  
飛泉洒巖竅白日驚霆喧  
日光照深泓俯見金鱗翻  
同遊八九隊歡娛羅酒尊  
晴雲散壺博鉅屑霏談論  
持觴苦相勸茲樂矢不諼  
軒冕儻來寄英雄不長存  
逢場不痛飲奈彼劉伶墳



回首日車側林深山易昏晚景尤可愛欲賦還忘言  
翌日又與如晦有本登後園南亭姜用休亦  
叅金伶與小娥鼓琴

孤亭倚南麓雲樹新葱蒨東南眼界豁十里瞰芳甸  
千家桃李蹊花枝爛明絢春風澹蕩來散作紅千片  
飄飄泛羽觴簌簌吹入面舉盃惜春忙清香和酒喫  
哀絃動左右鶯舌千萬變對此却欣然堅坐聽之遍  
顧謂仲容徒有酒便游衍歲月雙跳丸身世了一電  
觴詠可資談魚蔬足供饌所貴承權輿何必辨芳宴



扶筇陟嵯峨筋骨自忘倦老境無限憂憑君欲消遣  
鑾輿幸七德亭閱武未得扈 駕獨坐書懷  
龍旂曉拂碧江潯十里平沙開羽林風擺落花紅滿  
榻獨憑烏几坐鳴琴

紅桃樹摧折已久枝柯猶仆地發花  
虎倒龍顛已拔根數枝焦悴半心存莫言老物渾無  
用猶自敷英映酒樽

如晦在江亭邀余設酌

十里南江隔軟紅登臨眼界豁西東高低屋隱層



對窈窕牕開面二風遮網漁人分錦鯉臂薦鄰叟獻  
華虫樓前估客挈舟過仰聽笙歌鬧半空

以文藝試官鎖居仁政殿三日適值大雨  
書示希明

頑雲翻墨雨傾盆萬弩排空室瓦喧噤舌黃鸝穿樹  
去垂頭紅藥向階翻鎖闌無暇相酬唱讀策惟時苦  
討論猶勝春蠶方食葉未成功績已黃昏

庭試命文士製半仙戲詩

堪笑明皇戲半仙太平寰宇染腥羶  
命題今日非



耽樂要與臣僚戒十愆

端午日如晦奉太夫人設酌于春暉亭令兒  
女隊為鞦韆戲亦有比丘尼來參者

端陽風日媚清妍環坐高堂骨欲仙萬樹綠陰遮院  
宇三行紅粉競鞦韆綫看珠履拖平地忽駭螺鬟颺  
半天祝壽萱闈供一笑年年盃酒奉周旋  
青娥皓齒笑空妍浪作人間謝自然強屈春心寄蘭  
若還隨女伴聞鞦韆霜袍日照鵝毛嫩烏帽風輕燕  
翼翩忽訝微塵成淨界如來方便散花天



者之軒前引流爲池，中設假山環竒可觀。  
余與子俊叔強同賞。

蔡侯天機精所得，悉臻妙身雖隱市。朝逸氣秋空，鷁  
胸中蘊方便，幻出千里嶠。崢嶸起峯巒，呀豁分隧竅。  
苔花半斑駁，杉楊襍蘿葛。渴鳥吐飛泉，晴雪散巖峭。  
隱下有招提，朱碧林間耀。騎驢人過橋，僮僕行荷篠。  
孤舟泝素波，人影相涵照。鶴髮者誰子，依岸坐垂釣。  
秋毫偶累具，一一形容肖。怪々復竒々，如君古亦少。  
泉石八膏肓，清意無人料。我獨悟其趣，襟期自赴召。



相逢目擊間撫掌時一笑

慰于後喪子

君是東門子當效東門吳吳爲一賤士坦然心無虞  
商也遊聖門未免雙眼枯鍾情縱云洞理數終難補  
神奇與臭腐彭殤同一途何用咎造物恒化驚哀呼  
功名滿麟閣富貴日敷腴努力加餐飭善保千金軀

北窓

解衣散髮傲斜陽卧看行雲點太蒼滿榻清風來有  
信北牕身世到羲皇



判京兆用休冬官亞卿君諒右尹士元會濟  
川亭余亦往參京畿監司耆叟設酌

青山如畫捲輕嵐樓枕長江萬景涵風遠笛聲搖桎  
浦日斜帆影落清潭使君樽酒送初秩客子風流興  
正酣自幸陳人參盛列愧無佳句侑清談

題友人山水圖

屋上萬疊山嶺岼屋前一面長江濤華杓隱映雲林  
端芝橐蕙柱辛夷藥長風送雨吹林巒冷々洞壑爭  
豪湍翦笠漁父輕波瀾長繩舉網臨平灘得魚相輸



心更閒紅鱗尺鯉編蘆雀一翁扶醉行蹢躅翻風破  
傘如飛翰長年倚棹依江干欲上未上仍盤桓一翁  
野眠而黃冠蕭然獨坐憑雕欄憑欄縱目窮遐觀江  
湖蒲地襟懷寬誰人吮筆施朱丹異境恍惚移霜紉  
木蘭墜露清漣上郭子上風生寒清空塵土兩漫  
漫欲往從之歸路難此中高人如可攀誅茅卜筭同  
考槃如將土餅充飢餐摩挲終日空長歎

同工曹京兆府者密城中可撤家舍

根本神都漢水陰山回龍席窈而深百年烟火紛成



聚萬屋歌鍾正開吟闌闌縱橫入似海街衢交錯出  
如金爭尋隱壤開軒宇分占幽蹊傍樹林不是有心  
臨魏闕偶曰無地斲曾岑誰人能解青烏術愧我空  
悲白髮替自信形骸猶矍鑠強扶筋力陟嶇嶇重陽  
節近登高遠野菊花開滿意斟邂逅故人同酩酊團  
圓今日暢胸襟却憑官事成佳會半醉歸來日欲沈

判尹姜用休左尹韓斯文參  
判金君諒參議閔師騫同會

十二月二十三日雪

天教滕六碎龍鱗六出花開一夜春無數瓊瑤堆屋



角客來不覺主人貧



虛白堂補集卷之三



虛白堂補集卷之四

男世昌編輯

詩

庚申元日在本府致齋有感

與可權有慶同坐

三陽佳節苦拘留  
鼎坐三人儘白頭  
阮籍難爲縱酒  
飲太常何用犯齋  
收論文倚榻還思  
睡曝背依檐始  
散愁新歲歡欣皆  
得意此身猶未拜  
珠旒

拜工曹判書

優游樞府過瓜期  
况又冬官老病宜  
六部青氈還舊



物兩行銀牌耀新儀  
賁修還史參文局獻納嘉猷侍  
講帷顧之才長叨厚廩好將身世際明時

題蘇東坡墨竹十絕

烟靄輕籠碧玉枝  
兩竿相對弄清姿  
半開半隱空濛裏  
幻出新晴格外奇

銀脚霏<sub>口</sub>翻打時  
露華凝重儘低垂  
縱然脆葉難擎舉  
依舊貞操不變移

蘋末蓬蓬聲正譁  
琅玕萬葉一時斜  
此身可折難爲屈  
縱遇飛廉奈我何



與可襟胸迥出塵雪堂分得十分新至今遺跡鵝溪  
絹千載知音會有人

偃蹇青銅蠹幾尋殘枝老葉鬱蕭森可憐勁骨依端  
石半折猶存未死心

籜龍親抱錦棚兒無限枝孫欲放施莫道中心猶稚  
弱亭亭已有歲寒姿

四時一色貫嚴冬屈鐵根依老石縫神物由來多變  
化吾知不久爾爲龍

風戰婆婆散不收一林清趣飽高秋恍驚聞耳蕭



響夢卧蒲湘閣岸舟  
直節崢嶸老更高遺鞭走地托林臯終然倩得春風  
力迸出森々紫玉毫  
甲刃縱口十萬天剛姿曾不混凡抹却嫌冒雨巾初  
墊頭重無人用力扶

謁康靖大王墓

水蒲方塘淨鏡匳風生亭閣動疎簾連山樹木旌旗  
捲卧砌獬羊象設嚴搦筆以叨香案吏抱弓求惜鼎  
湖髻小臣今日思無盡雙袖龍鍾滄淚霑



奉恩寺

天開巨剎倚長江棟宇玲瓏世少雙  
白蠟融成壇上燭紅羅剪作榻前幢  
筒泉引遠源無渴蒼鐸風微響  
自撞竺久居僧添茗椀夕陽松影落禪牕

春日偶吟四首

二月春寒煖尚遙紅英未動杏花梢  
東風一夜吹開綻無限韶光遍四郊  
韶光容易去堂堂白髮逢之倍斷腸  
老境親朋情意少耆花日月負盃觴



勸君秉燭接盃觴桃李曾無十日芳  
粉蝶似憐春事謝却隨片云過隣墻

杜鵑花發滿林端血色瓊瑜擁小欄  
若非鶴林奇絕色端堂佳客住應難

紅白茶蘼交發其下又有錦囊花盛開二者  
玉顏紅頰兩爭嬌卯酒初酣暈半消欲識春衣香動處  
錦囊斜帶繫纖腰

美人新試素羅裳冒雨淋漓半濕妝  
恰似明妃初出塞龍鍾雙袖淚千行



拜大提學

早把詩書浪得名老年方得秉文衡才非黼黻髭先  
白學乏經綸面自頽翰苑那能稱大手黌堂無以壓  
諸生顧余踈懶妨賢路惟有芳緘見者驚

題李泌所藏綵花圖八首

姚黃與魏紫穠艷增春華唐人取探翫比屋爭豪奢  
花中作天子睥睨奴羣葩風儀自富貴傳神亦更嘉  
欄眼空明頭白還咨嗟

收丹

我昔侍金鑾臨軒賦芍藥萬朵當堦翻頽霞半空落



彷彿蓬萊宮仙子多婬灼依然想舊容見畫還相愕

何必秦濱上士女相贈譔

芍藥

歲寒保堅操松栢惟貞勁如何浮脆質亦與霜露競  
紅白縱妍美金黃近中正悠然東籬下採採花轉盛  
千載陶徵君我今繼佳詠

菊花

有美戎與蜀厥類粉多姿深紅映淺紫次茅光參差  
既知衛厥足枝葉何繁滋又能傾太陽赤心終不移  
物性有忠謹君子宜體之

葵花

先春抽軟綠花發非凡流六出附自大四垂葉亦稠



青裳與丹襪合歡能忘憂羅生蒲臬隰真品未易求

焉得樹吾背胸中無忿憂

萱草

天地始肅殺千林殞微黃芙蓉猶前後燁口能拒霜  
秋陽所照曝縵縵媚清光不數桃與李爛漫爭春芳

亦足慰幽懷庭宇不淒涼

拒霜

游龍長新翠嫩葉如芳蕉商飈多巧思染物何矜驕  
璘脂點萬粟糝綴纖枝條想像汀洲際紅雲亘晴霄

尊鱸張翰興歸棹風飄

蓼花

有卉真佳種獨立不成叢脩莖直秀葢密葉亂蒙茸



花開大如鉢白玉新磨礪仙葩自奇絕不襍紅塵容  
從來玉斧手合在廣寒宮

月花

次崔周卿詩四首時周卿廢病在全州鄉墅

無心宦海苦奔波歸卧田園樂事多  
彭澤雅懷惟愛菊右軍高趣尚籠鵝  
平郊霜露省秋穫晚徑牛羊聽牧歌  
爭席鄰翁相對坐談農不厭語懸河

新堂韻

千畦穠稔歲無災重九良辰又自回  
秋氣凌人易老鄉愁衮上鴈初來  
櫺邊霜重催黃菊門外風寒擺綠槐  
喜見白衣攜酒至相逢一笑舉深盃

重九韻



有美此君節清標傲衆芳  
取宜娛暮境何必競春光  
偃蹇空中翠蕭森物外香  
歲寒相作伴獨也貫風霜  
辛勤南畝饁樽酒樂西成  
身世閒方倦襟懷老益清  
捲簾山色近欹枕月華明  
一室塵機息無憂足保生

獨秀  
堂韻

送咸鏡監司鄭耆叟

鐵嶺嵯峨挿太蒼  
烟塵不動海茫茫  
天開沛邑山河壯  
地接龍荒道路長  
遺愛召公分陝右  
屈身長孺卧淮陽  
坐令風化覃遐域  
絃誦家家樂未央



拜大憲有感

芻冠於我有因緣  
屈指重來今八年  
陳善閑邪無寸  
效霜臺霜髯只宜然

大茲山扈 駕觀獵二十韻

城西數十里洞壑轉幽深  
向夕廂軍集凌晨  
法駕臨翠華踰峻嶺黃屋駐高岑  
置罔圍郊畔戈鋌簇澗  
潯驅車何詭遇祝網盡仁心  
困雉還遭繫驚麇忽見  
擒庖厨餘義肉園寢薦新禽  
鼓角青山動旌旗白日陰  
轅門分部伍裨將統纒  
磐魚貫緣巖磴蛇行傍



茂林却嫌違節制爭自陟嶇嶇儒士紛多聚兵韜末  
易禁攜朋調笑語酌酒暢胸襟 帳殿招諸宰伶官  
奏八音六飛初發動萬類各相尋中路天將暝遙峯  
日已沉火城連閃閃馬足走騷 道里愁方遠輿僮  
苦不任人誰誇羽獵吾欲獻虞箴聊記今日事成章  
付短吟

泉峴扈 駕觀獵二十韻

東郊數十里泉峴最清幽咫尺園寢近崗巒草樹  
繚紛紛饒鹿豕擾 似蚍蜉無禁葛荒往翻令族類



稠秋肥者濯々春戲聽啾々  
臺馭臨靈囿轡車擁  
道周兩廂凌峻嶺諸軍列平疇地窄人爭集林疎數  
自愁風毛飄野麋雨血鱣溪溝虎兇懸郵駟豚肥儼  
瘠斗才人來獻馬禽獲積如丘自是講蒐狩非徒事  
豫遊車攻惟足擬羽獵豈能侔湯網仁聲遠走眉喜  
色浮侍臣酣美醞伶士發清謳聊縱一朝樂其如萬  
姓憂觀魚猶有戒耽獸亦多尤名教真爲樂康田即  
可謀緝熙敦聖學終始荷天休白首烏臺使陳情達  
冕旒



次無善至日詩子後希明各有所作

老來心事漸凌兢病骨緣詩更作稜黃紙功名一場  
夢青氈書卷十年燈陽從灰起朝朝長愁逐春回歲  
歲增貪祿未成歸隱計忽聞鍾動又晨興

臘月初九日大雪

吾聞古人說雪片大如手今朝富瓿觀平生所未有  
上天忽同雲清曉猶玄黝須臾大花飛上下忽翻蹂  
初如萬蛺蝶紛々穿巷柳畢竟亂揮灑其大或如斗  
兒童喜欲扑相笑驚犹走擊盤貯鉅片耽耽爭相取



長鬚開前蹊，偃僂爭掃箒。赤脚携銅瓶，尋井愁泥垢。  
從朝至薄暮，密密勢彌久。紛披似雲霧，聚聳成培塿。  
投隱聚還散，沒脛深更厚。山川莽縞素，世界皆瓊玖。  
誰入山陰下，乘舟訪幽友。行吟招隱詩，興盡更多趣。  
誰家金谷園，麾客牢閑牖。綺席列歌姬，默炭熾鵝酒。  
堪笑青坡翁，鶴髮成老醜。弊車行偏側，羶帽半蒙首。  
譴材無寸效，猶從大夫後。伏閣無讜言，聽訟常掣肘。  
得謗太如屋，難保貞無咎。戴芻徒虛名，愧此囊括口。  
何時謝簪紱，云作林下叟。



受賜歲盡所盡秋鷹搏兔

山深櫟對青重重清霜半染酣秋容西風老鷹整羽  
翻翻枝利爪黃金鋒林間狡兔恃深窟秋草丰茸身  
更暗閒伏無心防碎首兩血風毛禍倉卒忽驚碎子  
丹青滋展掛素壁光參差天之錫我豈徒爾搏擊豺  
虎摧孤狸我性本柔鉛繞指批鱗幸裾難疑似白髮  
對盡感深恩頭上戴勿空自恥

與金眉叟同坐棘園偶詠三首

辛酉

梨園堂宇靚沉沉多少青櫟簇似林日脚西斜天欲



暮蒲庭爭作候蟲吟

樓前飛紙落成堆詩效東坡未易裁  
萬仁聖朝多吉士顧慚司舉獨無才

二月餘寒雜雪零今朝風氣忽氤氲  
杏花欲動紅將綻春入枝頭已一分

喜世昌中生貢進士兩試

兩兒俱出我門生  
分擢雙科勝乃兄  
自分病軀終漢落  
豈圖今日荷恩榮  
文瀾演迤將無敵  
鵬背逍遙竟有程  
老父蓋棺應不遠  
勉勞心力占高名



世昌會新同年宴飲

天門初放榜羅網皆英俊彩服滿闔閭呵喝驚雷震  
意氣凌青雲長途騁雄駿招邀互開筵談論吐芳潤  
絃歌按兩部紉綺擁成陣始踏繁華場功名此發軔  
昂昂冲霄鶴羣鷄被蹂躪顧余六十翁素雪飄雙鬢  
陳人固無庸可畏惟後進想像少年時往事猶符印  
歲月不我返跳丸夢中迅莫虧一簣功勉爲山九仞  
所惡是諂諛所欲惟忠盡虞朝亮天工臯夔翊堯舜

傷春詞



陽坡草軟青茸上  
杏梢初綴釵頭虫  
釵頭漸變大如豆  
東風破萼舒小紅  
今年天寒春事遲  
暮春三月初發之  
直到三五月輪滿  
桃花李花光參差  
霜臺老叟頭雪鶴  
縱遇看來無處酌  
况今身在棘園中  
不管花開與花落

避病移寓小家

蒲城春色耀千家  
歌鼓原頭樂事多  
小店支頤天欲暮  
隔牆惟見數枝花

隔牆華屋鬱嵯峨  
滿苑緋桃蒲枝花  
臺叟堂前無一



物盡將春色屬隣家

有本家山茶花

春色園裏許多叢桃李爛時色更濃羣甲葉稜色樹  
綠鶴頭花綻蒲江紅妖嬌形狀難相似小大風標自  
不同遙想南溟諸島嶼萬株如花雪中烘

仁政殿堦紫微

絲綸閣下昔敷英今托搖堦自在榮赤粟黏枝迎日  
嫩新香蒲院冒風清繁開炎夏真高品早占青春浪  
得名忽喜清光照衰質欣然相對眼還明



議政府堂後羊躑躅

淺紅繁艷剪輕紗  
隨葉參差巧自遮  
照水倒浸新蟾  
蜨當階晴散晚雲霞  
偏倚黃閣高成樹  
仰被商霖亂  
散花微物亦能蒙  
變化托根深地好  
脩姱

左相宅庭點丹花

春風吹樹攪冥<sub>口</sub>葱  
蔚成林媚廣庭  
綠葉青莖長似  
竹黃花金粟亂如星  
和酥剪<sub>葱</sub>甘<sub>宜</sub>嚼<sub>泛</sub>酒<sub>搖</sub>波<sub>剡</sub>  
發馨昭代三公能  
燮理故教微物<sub>揔</sub>奇形

洪家牆內紅桃



緋桃璀璨出墻隅風日嬌酣照道途十里光搖金步  
幃一堂香煖赤瓊瑜繁英耀砌陰還黑細片飄風色  
更腴春滿長安多富貴豪家歌吹匝康衢

三色桃

玉顏賴頰兩癡憨又有胭脂半帶酣占得品流應第  
一呈嬌容色各成三開筵公子連霄飲駐馬騷人極  
意探彷彿武陵川上路風飄萬點落清潭

如晦家牡丹

誰人邂逅接盃觴空使繁枝照畫堂絕艷自然成國



色穠華端合冠花王初酣卯酒浮紅臉高捲輕羅作  
絳裳却恨天香無十日不堪風日苦摧傷

倭躑躅

寸根千里自東來歲久成叢爛漫開初近御堦對護  
惜竟分華館遍栽培鶴林奇種真難比句漏丹砂忽  
見猜安石榴花同一品若論花譜定居魁

霜臺庭中薔薇

一對薔薇太焜黃半涵春澤半涵霜光華自是宜中  
正芒刺渾疑擊巨強甲芽幾人簪寶髻訟庭今日拂



折楊憐渠托地何卑淺相對無言共歎傷

家堦上玉梅

粉絲無數綴纖枝却被春和散竚姿初照日光珠的  
皦竟遭風陣雪離披能將弱質紛舒素縱過遊塵未  
易緇不伴寒梅娛歲晚謾隨羣卉共爭奇

桐花

庭院深沉半景長萋萋嫩陰涼蓓蕾漸坼黃金  
殼爛漫爭垂紫玉囊啼鳥弄殘枝上日輕風吹擺樹  
頭香卷阿千載周家化再見誰啗下鳳凰



蕪菁花

蕪菁羅蔔兩爭新  
黃紫花開獨殿春  
旋擷嫩芽供美饌  
更憐芳氣媚清晨  
漸成了角枝三秀  
暗縮蠶頭箇箇  
箇均見物自知  
時序變終然收  
子奈吾貧

薺花

叢生盤地托芳根  
甘軟調羹自媚飡  
陌上雪殘青葉  
長墻陰春老素  
花繁五溪野外  
人誰採萬落城  
中賣作斤  
舊穀既空新  
麥短饒農辛苦  
度朝昏

雨霽望西山



迢遞飛甍出茂林  
西山蒼翠望中深  
雨聲忽斷玄雲薄  
散作紅霞日半沈

憩迎曙亭

長路行愁酷暘侵  
憑欄靈籟自生林  
風微隴麥翻青旆  
雨足畦秧插翠針  
荷笠郵人來喚馬  
看棋過客坐披襟  
偶因王事成佳會  
欲寫遊懷謔苦吟

與用休養之京畿監

司李和甫陪右相李公奉審

石竹花

霖雨知時洗蘊隆  
句萌涵澤蔚成叢  
連莖細葉森森



綠敷地鮮英淺上紅偏傍澗沙隨意不知泥土媚  
人濃若爲盆裏移根去相對書窓几案中

坐新家欹對下書懷二首

欹樹重口郭夕陽老病扶枕卧匡床雷聲驅雨天邊  
去引得清風蒲面涼

今年溽暑甚前年白汗翻漿似醉眠屈指七旬餘幾  
歲簿書叢裡苦相牽

與如晦昆弟會話林亭

渴山雲樹鬱沉口嫩綠鋪庭日易陰孝友曾參纔脫



眼憂悲閔損未接琴乾鷄骰子徐<sub>口</sub>擲秋露磁盃細  
細斟爽氣侵肌炎暑遯冰盤琥珀薦來禽

如晦祥畢邀客設酌

倏忽祥期駟隱馳今朝淡<sub>二</sub>意方怡一堂舊主迎新  
主三載喪儀揆吉儀門外朱輪爭聚賀軒前脆管更  
生悲從今作會無稽緩須及丹楓未老裘

總外斷岡野菊亂開

嫩蘂金黃箇箇均重陽前日已芳新萬家盆裏爭培  
養那似天然野色真



寫懷寄兼善

有美高人居亭高跨巖磴誰知闌闌間有此林園勝  
欣逢積雨餘秋光更新瑩綠竹敷重階不凋得真性  
盆菊吐佳英浥露幽芳賸蒼松蒲陰崖靈飈韻笙磬  
蕭洒陶徵君葛巾步三徑招邀三益友開樽羅餽釘  
簪纓雖縛身閒情已素定俯西市朝忙仰耽雲樹盛  
穆然頽其中萬物自生聽落葉滿衣裾堅坐不知暝  
東角漸澄明雲頭湧水鏡乾坤淨奇麗幻出無盡興  
知心只歡伯清談各塵柄留連文字飲詩咏老愈硬



君知酒中趣陶然稱醉聖我飲不如人設醴猶獨醒  
強弱縱不敵襟期自相應所願就陳榻日日同嘯詠

卧病四首

平生不慎仲尼疾今日始罹玄晏憂造物小兒相戲  
劇胸中煩熱未能瘳

相如消渴何曾已沈約形骸亦半虛柏府毒威猶未  
殄空將羸瘵送居諸

蕭々寒雨開深更撼々園林亂有聲卧聽晨僮來灑  
掃風飄黃葉蒲堦平



雨餘天氣漸清淒  
欹枕連旬意轉迷  
晴日滿簾慵不  
捲  
隔林愁聽亂鴉啼

虛白堂補襍卷之四



虛白堂補集卷之五

男世昌編輯

詩

送李檢詳顯赴京八首

浩浩詞源隘九江滔口巨筆似長杠  
凌雲騷賦入無敵倚馬詩篇世少雙  
曾作金鑒香案吏今留黃閣碧油幢  
經綸餘事能專對千里觀光入帝邦  
馬頭天地入包羅就拾奚囊日費哦  
淚水盡舩人似玉龍灣華館月如波  
家鄉地脈臨江盡異國山光隔



岸多一曲驪歌一盃酒客中離恨又如何  
萬頃滄濤萬丈崗秦皇城斷海茫茫犬羊塞外烟雲  
靜禾黍區中雨露香孤竹清風苔碣在漁陽遺臭石  
橋荒是非興廢何須問吊古行人謬獨傷

巫閭蒼翠挿雲端路接龍荒境轉寒華表柱頭秋漠  
漠天妃廟下水漫漫五更風雪燈火冷萬里江山客  
夢殘飽歷幽屏千古地奇觀滿眼旅懷寬

蓬萊宮闕鬱參差五色雲中八彩眉禹貢山川虞日  
月周家禮樂漢威儀九天笙鼓從風下萬隊簪纓接



武馳隨例退，霞光祿酒鹿茸佳。賦續新詩

幽燕勝地壯雄都，無限羅紉溢郭郭。萬室輶轡鳴曉  
并四門車馬開，康衢梯航渺。東西路紆誦，洋洋遠  
近區。弧矢壯年酬夙志，匏瓜何苦繫東隅。

雲夢胸中八九吞，鷗鵬變化歟。乾坤口中咳唾珠，千  
斛塵尾團圓酒。一樽行色雪霜遼，野路歸期楊柳鴨  
江濱。君今定有觀光祿，對榻青燈要細論。

鉉槩長年謾苦吟，愧將袍笏老儒林。一生事業謀身  
拙，半世榮枯困陸沉。行覽昔時渾似夢，卧遊今日獨



傷心燕人若問余消息  
潦倒騷翁雪蒲簪

冬至夜

夜闌飛雨若淒迷  
泥滑沙堤萬馬蹄  
多病老翁還得意  
擁衾閒坐聽朝鷄

豆粥

蕪婁亭下劉文叔  
金谷園中石季倫  
千古英雄有憂樂  
我今無事坐嘗新

題青山白雲圖

星斗闌干沆瀣死  
膚寸終朝觸石起  
須臾溶、滌太



虛遍山内外平似水氤氲樹木半有無隱映招提迷  
遠通扶輿淑氣最奇絕脩峯露挿空濛裏山中採藥  
有真隱擬逐松根問童子袖裏刀圭如可分青鞋布  
襪從此始

江頭一抹涵平林涵林漲谷深復深雲來冥<sub>上</sub>潭一  
色雲去轍<sub>口</sub>攢青岑山耶雲耶有宿溪山不變態雲  
無心滿堂生氣忽飛動郭子半浸天陰陰有山可愛  
雲可悅有身不得投纓簪東華軟紅擺不去摩挲竟  
日空長吟



大雪

日短星昴羲馭促玄冥用事剛飈酷窮陰晦朔莽相  
連天地慘々驅滕六花飛六出正勝時揮鞭郊原與  
巖谷從朝至暮至夜今日紛紛明日續初如柳絮  
透疎簾畢竟撒鹽敲密竹天節漏下無缺空細粉糝  
糊毳林木橢者成圭橫者玦值墩孤聳坎深瀆對無  
枝柯無野草平蓋深簷高過屋掃下瓦縫如雲霏哀  
聚庭陰似山矗山川縞素忽變態宇宙微茫迷舉目  
蒲眼怪詭真富貴千街萬巷堆珠玉長江上下莽回



互嗟峨江面冰堅腹支溪線澗皆凍合流溜所瀉如  
鎔鑒行人凌兢如凍蟻疲馬不前迷蹉跎冰車輸入  
內凌陰飢牛脫蹄車脫軸嶺東西北人不通其勢正  
如蠶叢蜀人誰五丁鑿開道上無峯巒下無麓華虫  
失藪投澗坑孤鹿尋幽紛聚族才人雪馬誇輕健如  
拾虫蛆白茅束長安市上競售利樞府老翁無臘肉  
病身憔悴食無味晨夕所供惟旨蓄沙堤珂馬擁賓  
從數旬不出甘雌伏今年雪勢甚去年連雲宿夜明  
年綠今年寒氣甚去年雪光所燭人驚縮癯骨偏憐



土榻溫萬卷床頭射朝旭

受賜歲畫十長生

壬戌

日月常臨照山川不變移竹松凌雪霰龜鶴享期頤  
白鹿形何潔丹芝葉更奇長生深有意臣亦荷恩私

掌樂院送紙造杏花飄葉

天工造物妙陶

句

手下移來巧集真春日繁英秋日

葉不論時節一時新

三月一日

親祀文廟行大射禮

聖主龍飛八載春素王宮裡薦精裡禮成大射周旋



際樂奏君臣揖讓辰四矢既均咸中鵠萬人全集競  
趨塵太平盛事輝前後萬歲呼高拜紫宸

送春二首

桃李欲動杏花闌蝶駭蜂愁駐亦難自古紅芳無十  
日况兼風雨苦摧殘

桃花欲動雨頻來甲第千門錦繡堆風伯尚憐春色  
盡故教紅片點蒼苔

旅寓人家三首

家在青坡  
石橋下

人去人來不自休萬條楊柳石橋頭開簾俯挹東溪



岸欹枕朝朝看水流  
防流引遠作深泓  
泥水還成鏡面澄  
喚僕時時頻洗  
馬雙蹄蹙浪雪崩騰

街童鳴鼓求燈具  
村女傾筐洗菜根  
日暮長堤車馬  
少炊烟散作太平痕

許衍邀我遊西湖  
如晦可畏世亨同往

長江西接海門開  
夾岸羣巒紫翠堆  
鷗鳥輕飛沙際  
過蒲帆齊舉日邊采玉壺沽酒傾霞液  
紫符穿魚炙  
錦腮勝地春晴  
兼晝永天教遊客久徘徊



白石橋人家移寓小橋人家

旅室何寥落開窓面小園  
青葱鋪卧嬾金杏壓枝繁  
簾捲風生席泥融雨毀垣  
編籬防寇盜喫僕戒晨昏  
遇景題詩句邀賓置酒樽  
晚涼欹枕卧謝絕簿書喧

送義根禪宗還山

上人宿德人天尊胸中水  
鏡清不渾如如不動常澄  
源發光觴處森焯口下與  
世濁離垢氛無限衆生依  
善根冠岳山高壓厚坤  
冠岳寺古山爲門山門萃  
确縈苔痕蘿葛不許庸人  
捫樹木葱籠春正蕃巖  
嶽突



兀蛟龍蹲玲瓏淨界無塵喧貝葉常向閒中翻有身  
食土承君恩抱錫未免塵寰奔山窮室靜空荒垣呼  
彌巖鶴悲林猿山靈拍手笑相喧何用局促嬰龍樊  
興天大刹如祇園設刹傑閣粧璫筆燈列舍羅幢  
幡幡鐵問字皆名髡盛名之下多芳菲禪心却壓遭  
敲煩秋風逸翮思騰騫聲華輝賴非心存不如投身  
還本元身無憂樂無思冤心之大智道大原竟入不  
二無名言舊房松月還嬋媛洗臟更快飛泉噴山靈  
邀迓如房昆猿鶴掀喙諧麓墳翛然一室升朝暾博



山烟縷清而溫下視塵界頑雲屯野樹如薺環孤村  
山高入高道亦敦求矢此樂終不諼愧我身世慙而  
慙功利到處潛消魂一生役役東西轅貪嗔熱惱相  
屠吞歸依法門希妙授尺鷃安得攀鵬鷖鬢絲禪榻  
風掀二三乘妙理要討論汨沒紅塵虱處禪側身空  
望清江濱壬戌七月既望昏書于格物齋中軒

送姜晉原赴京二首

早歲蜚英動士林通天寶帶映朝簪雲龍際會名聲  
大桃李門闌惠澤深已掌銓衡居家宰方將舟楫注



商霖 君恩愈厚心愈小夙夜兢々罄寸忱  
一夜前星耀海堧謳歌所到頌聲連銜書遠出西鄙  
路執壤欣瞻北極天專對大庭擊密詔承恩綵帛者  
賴肩辛勤竣事歸來後無限邦人喜欲顛

送世亨出倅伊川縣

鮐骨霜絲近蓋棺臨歧刺刺覺情酸六期日月雖遼  
復三日途程易往還調攝病軀無有苦輯柔黎庶要  
須安鈴齋硯匣應閒靜好把詩書自在看

遊果川別墅三首



設幕依郊外鋪茵俯石磯雨多溪水濶天冷鯽魚肥  
盤膾香絲細村醪醉力微徘徊探晚趣不覺日斜暉  
帶暝投孤店披衿夜寂寥草稠疲馬蹠飯乏小僮驕  
芋栗鮮初剥荷蕸味更饒青燈涼照壁閒話雜魚樵  
南過良才驛平郊數里餘張羅驅野鷁折柳貫溪魚  
赤忝園村徑黃花照路墟秋光今已晚行樂肯徐仁  
送忠清申節度使

玉雪風標星斗文昂然野鶴出鷄羣雄篇筆落三千  
首神臂弓張數百斤年少才名喧紫闥太平身世寄



青雲庖丁眼底無全骨俗子紛々等聚蚊

早將門閥繼箕裘文武全才世少儔  
以被青綾鑾殿上竟拖珠履鳳池頭  
金閨籍內無雙士玉筍班中莽一流  
仰受彤弓分閫寄先聲已振海西陬

長洲隱映隔重巒翼々高城對海安  
日照轅門閒斗拆雲收鯨島靜波瀾  
賀皇籌畫譙樓壯范老韜鈴敵膽寒  
遺愛峴山應樹碣事功留與後人看

馬上烟雲擁佩韃堂々壯氣歛乾坤  
風飄旗尾巡諸鎮茗卧戈鋌坐一軒  
橫槊賦詩揮白羽雅琴清唱對



青樽帳前無限狶狶睡夢入高唐日色溫

世亨葬妻于坡山庄自庄來謁留數日又別  
水合長川道路艱朔風吹雪暗松巒初悲莊叟鼓盆  
苦却喜溫生臨鏡歡白髮光陰人易老青燈談話夜  
方闌相逢數日還相別葛嶺嗟峨望眼寒

悼有本

阮宗諸姪仲容賢結契竹林今幾年責善切磋爲益  
友開懷樽酒作良緣英雄夢斷終難駐花木春芳寂  
可憐癡奴呼天情萬緒空將血泣灑堂前



元日拜顯墓二首

癸亥

新歲呼嵩千歲歡  
百僚環珮五更寒  
只耽到晚溫房睡  
故向荒山作祭官  
十里東郊負檐連  
斲冰炊飯簇山前  
始知今日兒孫賢  
爭向墀間掛紙錢

新春二首

正月春寒暖氣遲  
南江冰合未流斯  
垂楊已識春機動  
暗弄輕黃映澗湄  
經冬旨蓄不堪飡  
病口撓牙吐復吞  
春至欲嘗新嫩



菜旋耕荒地揷菁根

見金兒僧兒讀書喜而有作

丁巳雙環七歲餘健如黃犢走堦陰依人已久精通  
語讀字猶能解愛書縱得他年門戶大不堪今日鬢  
毛疎樂天五十縵生子比我孫兒我坦舒

譏佛僧譏叙韓愈貶潮州奉教梨進十首

自從西域有金神竺法覃延寧土濱不獨愚民難解  
惑却令高士亦迷津虛無爲道元非道禍福籠人竟  
誤人在世莫如名教樂何須顙望未來回



辜負人倫昧秉彝好從方外謁遊嬉在家不盡孝  
孝奉國曾無害上時身卧雲山雖獨樂名逃禮義竟  
何裨網常萬古明如日天地中間一仲尼  
談空說有終無憑無極前頭又一層以術示人真太  
幻援儒入墨互相矜言多鹵莽將何用道縱慈悲未  
有徵豈似吾儒心與性善端隨感霸然興  
玲瓏蘭若耀名區壯似宸居未易攀金狄凌增元自  
默緇流雜選競投閒無遮設會紛如市有衆施財疊  
似山莫道善緣能證果空言何補萬民瘼



毀形髡首是何心無父無君是獸禽煖館閒房客嘯  
傲佳山秀水縱登臨逢人需物魚貪餌避役逃虛鳥  
竄林不織不耕安飽暖蝕殘民脉甚於蟬

永平天子太平春謬引胡僧斷道真白馬馱經留傑  
宇黃金起塔倚層臺楚王信法終羅獄梁武求生反  
殞身堪笑憲皇迷覆轍欣迎朽骨八楓宸

桑門虐焰藝天飛舉國滔亡未覺非直道事君期白  
首披肝寫疏獻彤闈瑰詞膾炙千人誦薄質飄零一  
葉微鶴列諫官無寸語如君高節世應稀



藍關秦嶺遠冥濛地轉蠻鄉路不窮瘦馬凌兢愁踏  
雪羸僮僮憔悴怯當風身如鼎鑊恩猶重職任藩宣望  
更隆上表陳情言剴切無私白日照丹衷

紛々儒墨互相殘唾掌誰人闢異端道濟羣盲扶正  
教文衰八代整狂瀾鯉魚從塞心應服沮黨聞言膽  
益寒入道參差天道遠枉教夫子誡辛艱

千載于今遇盛朝尊崇儒雅日星昭孔門聖道同天  
大釋氏微言見現消謫々寰區譚禮樂熙々民物暢  
風謠老臣顧之絲毫補惟綴蕪詞費帝堯



題豐原所藏雪中騎驢圖

江天漠漠陰雲凝，峯巒積雪堆層層。  
倚巖老樹凍欲折，小橋流水皆明冰。  
短帽聳肩驢耳堅，倦僕痛矣行正苦。  
若非襄陽孟浩然，即是飢顛飢工部。  
當時寒氣猶可掬，滿堂凜凜風生壁。

傷春

紅影離離動茂林，強扶衰病一來尋。  
主人不在從誰賞，獨對芳叢謬苦吟。

登如晦亭

緋桃縞李一時新，萬室涵煦不覺貧。  
可笑春光非我



有等閑分屬少年人  
狼籍羣紅雜雨零連堦  
草色入簾青病中尚有探春  
意折得繁枝挿小餅  
花時多雨少晴時枯澁田疇  
尚可滋懸磬家家無寸  
食肯將嘉種事春蓄  
斗粟如金直百錢賑場難求萬  
民瘡不須禁釀如防  
盜自是長安少醉眠

初夏五首

風捲疎簾晝夢驚  
床頭書籍亂從橫  
黃鸝憐我苦泮



窈飛上庭柯啼一聲  
四月清和暖氣融  
病身猶在土床中  
開牕喜快東南  
豁卧省飛鸞點太空  
落盡閒花不賦詩  
簡齋詩句豈余欺  
病翁詩吻枯將涸  
欲將詩句困不支  
病叟聲名只有詩  
家人猶恨宦途遲  
羞將白髮三千丈  
坐對盆花一兩枝

羣花次第儘飄紅  
新綠成陰滿院濃  
掃却春光無覓處  
流鶯語燕頌薰風



杏樹下等土作壇

綠對陰濃數斛寬日光不透凜生寒  
我來喜得吟詩處敢效宣尼作杏壇

題入山水圖八首

聳天喬木老搓牙人在亭中野趣多  
一葉扁舟來自遠追隨漁父送生涯  
長橋驢脚苦凌兢出定僧尋入定僧  
寺在烟霞深處住應從禪榻對篝燈  
斷崖千尺枕晴江亭對虛無倚石缸  
坐見滄洲秋色



裏滿空飛鴈落雙

招提樓閣隱曾峯竹掩孤亭翠影濃大隱高人嫌俗  
客漁舟過去水生風

長風吹雨暗江干雲樹婆娑舞翠巒  
泊長年衿韻十分寒

棘籬茅屋占平堤倚樹竹翁望眼迷  
許半空飛瀑掛晴霓

雲外危峯挿太清江村到處有孤亭  
惡翦纜還收住小江




山自蒼云水自流滿江楓對亂離披舟人只得叉魚  
樂誰識曹娥幼婦詞

讀史


世上無能是德基德成而上藝成卑胸中無限經綸  
策多少英雄未得施

虛白堂補集卷之五











四